

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
PREDSTAVNIČKI/ZASTUPNIČKI DOM
DOM NARODA**

Na osnovu člana 24. Zakona o reviziji Institucija u Federaciji Bosne i Hercegovine („Službene novine Federacije BiH“, broj 22/06) i člana 3. i 11. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13) i Odluke broj: 01-02-1052/24-2 od 29. maja 2024. godine, Zajednička komisija zadužena za provođenje procedure u vezi s imenovanjem generalnog revizora i zamjenika generalnog revizora, objavljuje:

JAVNI KONKURS

**ZA PROVOĐENJE PROCEDURE ZA IMENOVANJE
GENERALNOG REVIZORA I ZAMJENIKA GENERALNOG REVIZORA
UREDA ZA REVIZIJU INSTITUCIJA U FEDERACIJI BOSNE I HERCEGOVINE**

1/01 Generalni revizor

- Generalni revizor rukovodi Uredom za reviziju i odgovoran je za dužnosti i ovlaštenja data Uredu za reviziju prema Zakonu o reviziji institucija u Federaciji BiH.

Broj izvršilaca: jedan (1) izvršilac

1/02 Zamjenik generalnog revizora

- Generalni revizor ima zamjenika koji mu pomaže u obavljanju dužnosti Ureda za reviziju i koji može, prema uputama generalnog revizora vršiti sve funkcije, obaveze i ovlaštenja generalnog revizora.

Broj izvršilaca: jedan (1) izvršilac

Imenovanje i mandat:

U skladu sa Zakonom o reviziji institucija u Federaciji Bosne i Hercegovine generalnog revizora i zamjenika generalnog revizora imenuje Parlament Federacije Bosne i Hercegovine, na prijedlog predsjednika Federacije Bosne i Hercegovine, a prema rang-listi kandidata koju priprema Komisija za izbor iz stava 3) člana 24. Zakona o reviziji institucija u Federaciji BiH.

Generalni revizor i zamjenik generalnog revizora imenuje se na period od sedam godina, bez mogućnosti ponovnog imenovanja.

Zamjenik generalnog revizora imenuje se iz reda konstitutivnog naroda iz kojeg nije imenovan generalni revizor.

Plaću i naknadu plaća generalnog revizora i zamjenika generalnog revizora utvrđuje Parlamentarna komisija odgovorna za reviziju u visini plaće i naknade plaće predsjednika i zamjenika predsjednika Vrhovnog suda Federacije Bosne i Hercegovine.

Uvjeti za prijavu:

Kandidati za funkciju generalnog revizora i zamjenika generalnog revizora moraju ispunjavati sljedeće uvjete:

- diploma ekonomskog ili pravnog fakulteta i najmanje 10 godina iskustva u oblasti računovodstva, revizije, javnih finansija ili javne administracije,
- da nisu osuđivani za krivična djela i privredne prijestupe ili djela koja ne odgovaraju njihovim dužnostima.
- Generalni revizor i zamjenik generalnog revizora dužni su vršiti ovlaštenje i dužnosti Ureda za reviziju neovisno i u skladu s INTOSAI revizorskim standardima.
- Generalni revizor i zamjenik generalnog revizora podliježu Zakonu o sukobu interesa u institucijama vlasti Bosne i Hercegovine („Službeni glasnik BiH“, br. 16/02, 14/03, 12/04, 63/08, 18/12, 87/13 i 41/16).

Uz prijavu na javni konkurs kandidat je dužan dostaviti original ili ovjerene kopije sljedećih dokumenata:

- uredno popunjen, potpisan i ovjeren prijavni obrazac (prijavni obrazac bit će dostupan na internetskoj stranici Parlamenta Federacije BiH);
- uvjerenje o državljanstvu;
- dokaz o stručnoj spremi;
- dokaz o radnom stažu u oblasti navedenim u konkursu;
- biografiju iz koje je vidljivo da ispunjava uvjete iz člana 23. Zakona o reviziji institucija u Federaciji BiH;
- uvjerenje o nekažnjavanju i
- uvjerenje da se ne vodi krivični postupak.

Konkurs za popunu upražnjenih mjesta generalnog revizora i zamjenika generalnog revizora objavljuje se u Službenim novinama Federacije Bosne i Hercegovine, Dnevnom avazu i Večernjem listu.

Zajednička komisija oba Doma će:

- pregledati sve prijave koje stignu u propisanom roku;
- utvrditi da li svi kandidati ispunjavaju uvjete konkursa;
- na osnovu principa iz člana 3. Zakona o ministarskim vladinim i drugim imenovanjima Federacije BiH i kriterija za imenovanje, sastaviti listu sa užim izborom najboljih kandidata koji ispunjavaju uvjete za imenovanje;
- pozvati sve kandidate sa liste sa užim izborom na intervju;
- prilikom pozivanja kandidata na intervju, svaki kandidat koji je ušao u uži izbor mora dobiti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja;
- utvrditi rang-listu kandidata koju će dostaviti predsjedniku Federacije BiH.

Rok za podnošenje prijava na javni konkurs je **petnaest (15) dana** od dana objave javnog konkursa u „Službenim novinama Federacije BiH“.

Nepotpune i neblagovremene prijave neće se uzeti u razmatranje.

Dokumenti priloženi uz prijavu na javni konkurs neće biti vraćeni kandidatima.

Prijava sa dokumentacijom dostavlja se putem pošte, preporučeno, na adresu:

Parlament Federacije Bosne i Hercegovine

Sa naznakom:

„Zajednička komisija zadužena za provođenje procedure za imenovanje generalnog revizora i zamjenika generalnog revizora Ureda za reviziju institucija u Federaciji BiH“

Ulica Hamdije Kreševljakovića broj 3

71000 Sarajevo